



იუმორის ტუ- ლი გაზეთი

ფუნაფუნა

წელიწადი პირველი.

№ 7

კვირა, 26 აგვისტო, 1907 წ.

№ 7

ოხურგეთში ვაჭართა დეპუტაციას მათრახები უცხუ-
ნეს.—ტერიოკში „რუს. ბოგ.“ თანამშრომელ ჰეტრიმ-
ჩევს სტუმრებთან სადილობის ნება არ მისცა მათა-
რობამ.—ბათუმში შესდგა ნოქართა „კარტისტო“ კავ-
შირი—დაიკარგა გურიის-სამეგრელოს სამრევლო სკო-
ლების საეპარქიო საბჭო, ემებენ და ვერ უპოვნიათ.



თავადი. გლებო! მიიღე ეგ ფეხი
მამული ნამგზითვარია,
თორემ მოგისევ ძალღებსა
ღღე დაგადგება მწარია.

სიზმარ-ცხელი.

ერთ მშვენიერ ზაფხულში
გლახკაცს თავის მამულში,
გულს სევდა მოეფინა
მიწვა და მიეძინა.

მისი მამულ დედული,
ირგვლივ შემოფარგლული,
ვიწრო იყო მეტათა,
ფეხი ვერ გაემართა.

ლობებით შეკრული
ძლიერ სწუხდა ბედკრული,
იწვა, როგორც ბუდეში
ეკლებიან ზღუდეში.

წარსულით განამწარი
ეგდო ვით ცოცხალ-მკვდარი,
და გულ აღმა გდებულსა
სიზმარი უტკობს გულსა.

ისე, როგორც ძმასთანა,
მიდის ღმერთი მასთანა...

ურჩევს: „წელი გამართოს
რაც უნდა დამართოს“.

გლახს რჩევა მოეწონა.
(გააკეთეს ეგონა.)

ერთი ამოიხარა
და ღობე გააოხრა.

რომ წაართვეს მამული,
ამით გაბრაზებული

მორბის მღვდელი ჯვართა
კნიაზი: ძალთ ჯართა.

მიიტანეს იერიში
და გლახს მიეცა შიში.

მსწრაფლ „შემოკლდა“ ბეჩავი
რომ გადიჩინოს თავი.

ეშმაკი.

ქ. ნიკობურგი

(ძველათ ფოთი)

ბატონო რედაქტორო! დამიხსენი როგორმე ამ გასაქირისაგან. გაიგეს თუ არა ფოთელებმა, რომ თქვენი კორესპონდენტი გავხდი, აუარებელ წერილებს, თხოვნებს, საჩივრებს და ასე გასინჯეთ დანოსებსაც კი მიგზავნიან თქვენ პატივცემულ გაზეთში გამოსაცხადებლათ. რა ვქნა არ ვიცი. მეხვეწებიან: „როგორმე ჩვენი თავი ჩააწერინე ისტორიაშიო“. ყველა ამბავი, რომ დაიბეჭდოს, მაშინ გაზეთი სულ ჩვენ მოგვინდებოდა, იმდენი სიმყარე ყოფილა ამ დალოცვილ „ნიკობურგში“, მაგრამ უფრო თვალსაჩინო მოღვაწეთა შესახებ, რომ მაინც ცოტა არ დაიბეჭდოს ეს უსამართლობა იქნება, ამიტომ დავიწყებ პირდაპირ მათი წერილების გადმოწერით.

„ამხანაგო კრეისერ!—მწერს ის,—დიდით მესიამოვნა, რომ თქვენ „შუამავლის“ კორესპონდენტი გამხდარხართ. ამგვარ ყოველიფრით და ყოველგვარი ბედნიერებით (ბაყაყებიდან დაწყებული—მარგანცამდე) აღვსილ ქალაქს, ამდენხანს მუდმივი კორესპონდენტი არ ყოლია „შუამავალში“ და ამიტომ ბევრი საყურადღებო ამბები სრულიად უყურადღებოთ რჩებოდა. თითქმის ყოველი კუთხიდან იწერებინან, რომ აქ მიქიაშვილმა ამგვარი გმირობა ჩაიდინა, იქ მახარაძემ, აქ მგელაძემ, ბერიძემ, ნემსაძემ და სხვ., ფოთიდან კი ამდენხანს არაფერი იწერებოდა და გამოდიოდა თითქო ჩვენ ყველა კუთხის ხულიგანებზე და პოლიციელებზე გლახები ვართ და ნიკობურგში გულზე ხელდაკრეფილი გვეძინოს. მადლობა ღმერთს, რომ შემდეგისთვის თქვენ ქვეყანას აუწყებთ, რომ ეს ასე არ არის და ქვეყანაზე თუ ვინმე არის—ჩვენცა ვართ. აი მაგალითად რაზე უნდა დამივიწყოთ მე? თავიდან იყო და იმ დალოცვილ ძველ დროში სამი კაცი მყავს მოკლული; შემდეგ როცა „ახალი თაობა“ გაჩნდა ჩვენში, იაკობის მეთაურობით უპრავემ „ოხრანა“ შემოიღო თავის დასაცავათ, რომლის პირველ წევრათ მე მიმიღეს ფედერალისტების პროტექციათ. იმედები არ გამიცრუვებია და ყველაფერში შეძლებისადაგვართ ენერგიულათ ვმუშაობდი, არაფერსაც არ ვთაკილობდი. თქვენც კარგათ იცით ნესტორ მიგინეიშვილის ამბავი, რითაც დავიხსენი „ერთი“ ახალგაზდა ქალი მოტაცებისაგან, „მამა მისი“ მიგინეიშვილის ვალების გადახარისგან და ფოთი-კი გადაწვისაგან შარშან, როცა ბრწყინვალე რეაქტია შემობრძანდა, ბარე ორი ს. დ. აგიტატორი ვლუზარაკე ჩვენთანამემამულე პოლკოვნიკ ჩიქოვანს; მას აქეთაც ღმერთმან იცის არ დამიშურავს ძალი და ღონე. ეთ დროს ჩემ მწყალობელ ფედერალისტებსაც-კი მივყავი ხელი; გუშნამ იყო და სამი დღეის ყლაპია ანარხისტი „დავაიმასვაქნიე“ ბუბტში, თუმცა მათ ბომბის მაგიერ სამი ხლოპუშკა აღმოაჩნდათ.

ხალხი ძალიან მადლიერი მყავს. მართალია ვილაცხებმა ერთი ძალიანი დამბეგვეს ამას წინეთ აბაშაში და სთქვეს ისინი ორგანიზაციის ტერორისტები იყვენო, მაგრამ ეს ტყუილია. ორგანიზაცია მე მუდამ პატივს მცემდა და მერიდებოდა. ასე გასინჯეთ მისი წევრები ერთი ქუჩის ბოლოში რომ დამინახავენ გადაუხვევენ და გვერდს ამივლიან...

დავშთები მომავალშიც პატივისცემით თქვენთვის და თქვენისთანაების სასამსახუროთ

საჩინო შვანია.

P. S. ჩემმა ამხანაგმა განსვენებულმა გრიგოლ ლომიაიმ დამაბარა, როცა ისტორიის წერა დაიწყონ ჩემი თავიც ჩააწერინეო. გთხოვთ ჩასწეროთ ისიც ამხანაგო კრეისერ.

ს. უ.

„ამხანაგო კრეისერ!—მწერს არა ნაკლებათ ცნობილი შაქრო ექიმოვი,—ტყუილია ის ხმა ვითომც მე გადასახლებას მიპირობდენ და ისაც ქურდობისათვის მოგესხნებათ მე ქალაქის „ოხრანა“ ში ვმსახურებდი და აბა ამისთანა ხელობის კაცი და ქურდობა ხომ შეუძლებელია! ესეც არ იყოს, მე ისედაც დავამტკიცე ჩემი პატიოსნება და სამსახური საზოგადოების წინაშე. შარშან თებერვალში არ იყო, რომ პარკში დავიჭირე და მივბეგვე ს. დემოკრატების აგიტატორი ვანო კობახიძე?.. იცოცხლეთ ის მადიანათ მოეხუზლეთ, მივბეგვეთ და მივაბრძანეთ ციხეში!..“

მართალია ამ ბოლო დროს ციხეში ყოფნის დროს ერთი მეც მომბეგვეს „ვითომდა ხულიგანობისათვის“, მაგრამ იმედი მაქვს: მომავალში უფრო კარგათ დააფასებენ ნიკობურგელები ჩემს მათდამი სამსახურს.

შენი პატივისცემილი შაქრო ექიმოვი.

„ძვირფასო ამხანაგო კრეისერ!—მწერს ბუბტიდან ინჟინერი სკარფინსკი,—სთხოვეთ თქვენს რედაქტორს, რომ ჩვენც მოგვაქციოს ცოტა ყურადღება. თქვე კურთხეულებო, ხომ ხედავთ, როგორ ვამიჭივრა საქმე მუშებმა და მათმა ძალმომრეობამ (!) ესაო და ქირა ბევრი გვიდა, ხოლო მუშაობით-კი ცოტა უნდა ვიმუშაოთო. გაუგონიათ ბატონო 8 საათის სამუშაო დღე კარგი არისო და ის კი არ იციან, რომ ამგვარ სისულელეს მხოლოდ სამხლვარ გარეთ აქვს გასავალი. აბა დიდი ქეუა უნდა განა იმის მიხვედრას, რომ თუ თოთხმეტი საათის მუშაობა ვერ არჩენს მუშას და მუდამ ქაფშიასავით ხახა დაღებული გაიძახის: „მშია, მშიაო“, მაშინ რვა საათის მუშაობა რაღას უხამს?!“

მარა ამას კიდევ გავუძლებდი, - რომ სხვა უბედურებაც თავზე არ დაგვტყდომოდა საწყალ და ჩაგრულ კაპიტალისტებს. წარმოვიდგინოთ, რომ მუშამ მუშაობის დროს ფეხ ან ხელი მოიტეხა, ამაში მას შენ ფულები უნდა მისცე, ნერე ცოტა კი არა—100, 200 და ასე წარმოვიდგინოთ ზოგჯერ 300 მანეთი-კი. თუ არ მიეცი მოდის და გიჩივა მოსამართლესთან... ოჰ, საჩივარი, რომ მომავონდება (რასაკვირველია როცა სხვა მიჩივა) გუ-



ლი მისუსტდება და ფეხები მიკანკალეს ხოლმე. გადაღმა კვირაში მომიგო ერთმა მუშამ 1300 მანეთი მხოლოდ იმიტომ, რომ „თვალეები დამიდგა შენტან მუშაობის დროს“. თვალეებიც დაუდგეს და ყურებიც, მაგრამ ვაი ჩემს ღღეს, რომ ყოფიანი (ფოთის მომრიგებელი მოსამართლეა) ასე არ მოიქცა, (თურმე ის ყურმუსალი გასოციალ-დემოკრატიულია), ადგა და მიუსაჯა თვალეებ დაფსებულ მუშას 1300 მანეთი. „ს. დემოკრატიები“, რომ ღვთის პირიდან გადავარდნილი იყვენ ეს ღიღი ხანია ვიცოდი, მარა ფედერალისტებიც თუ გადაირეოდენ ამას როგორ წარმოვიდგენდი. ექიმი ჩხენკელი (ფედერალისტი იყო მეუბნებოდენ), თურმე პირველი სოც. დემოკრატი და ტერორისტი ყოფილა!.. მოვიდა და მურტლიან მუშას უმოწმა „სწორეთ შრომის ცუდი პირობებით დაბრმავებულაო“...

არა, პირდაპირ მომერიენ მცარცველები და უსამართლოდ წაპართვეს ეს 1300 მანეთი. ვიმედოვნებ, რომ მალე მოეღებო ამგვარ უსამართლო ძარცვა გლეჯასაც ბოლო.

პატივისცემით თქვენი ინჟინერი **სპარჟინსკი.**

„ამხანაგო კრეისერ! (მწერს ოფიციალური ტონით ყოფილი ბოქაული მაქსიმე ხაბურძანია, რომელსაც გურიიდან დაწყებული ფოთამდე ყველა კარგათ იცნობს) Секретно циркулярно, доносъ. პატივი მაქვს გაუწყოთ, რომ ჩემმა მოადგილე ბოქაულმა მთლათ შეაწრიალა პორტის უჩასტკა. ამბობდენ იმასაც იღებს და საქმესაც არ აკეთებსო, მაგალითად იუსუფ ხალილ-ოღლისთვის გამოუიშასქნია გავანთავისუფლეო და შემდეგ-კი ციხეში შეუგდია სამითვით. ხალილ ოღლი ახლა საჩივარსაც იწყებს თურმე (თუ უკვე დაიწყო კარგათ არ ვიცი)... ყოველშემთხვევაში მოგვექრა თავი ამგვარი მისი საქციელით, ბოქაულთა მთელ „კორპორაციას“!! მე იმიტომ გამავდეს, რომ **სამზღვარგარეთელ** კაპიტალისტს ავგერიონოს, ცნობილ მარგანეის მრეწველს და ქვეყნის მღვრეტელს ცოტა რამე ვთხოვე და იმას-კი ყურადღებასაც არ აქცევენ ლატაკების გაფუტქვისთვის.

თუ ვინცაბა ან ს ჯეროვანი ყურადღება არ მიექცა და ფ—ლია დროზე არ დაითხოვეს სამსახურიდან, მაშინ აზრათ მაქვს სამედიატორო სამართალში გამოვიწვიო კავკასიის უმაღლესი ადმინისტრაცია.

დავთები თქვენდამი მუდამ პატივისცემით, ყოფილი **მაქსიმე ხაბურძანია.**

„ამხანაგო კრეისერ!—მწერს ყოფილი გოროდოვოი სიმონ ჭანტურია — გთხოვთ ღმირჩილესათ გაასწოროთ თქვენ წინანდელ კორესპონდენციაში უნებლიეთ შეპარული შეცდომა. იქ სწერია ვითომც მე წვრილ-წვრილი ნივთების ქურდი ვიყო. ეს არ შეეფერება ჩემს ღირსებას და ნამსახურობას, რადგანაც მე მხოლოდ ცხენებს, ჯორებს, ხარებს, და სხ. ამისთანა მსხვილ ცხოველებს ვიპარავდი. თუ ეჭვი შეგაქვთ ჩემი სიტყვების სინამდვილეში, შემძლია წარმოვიდგინოთ ნ-მდე „პრიგოვოროი“ საოლქო და მომრიგებელ სამართლოთა ზემო ნათქვამის დასამტკიცებლათ. ამისთანავე შემძლია წარმოვიდგინოთ ნომერი 18 მანეთის ტალონისა, რომელიც ქუთაისიდან გამომიგზავნეს ამ დღეებში, ჯილდო სამსახურის პირნათლად ასრულებისთვის.

დროებით შტატს გარეშე (ციხეში) მყოფი გოროდოვოი **სიმონ ხანტურია**“

„ამხ. კრეისერ!—მწერს ერთი ბარიშნა, — გაბედნიერდა ქართული ლიტერატურა! მას შეემატა ერთი უცხო სიტყვათა ასახსნელი ლექსიკონი, რომელიც „შუამავლის“-ს გვერდებზე იბეჭდება. მე ძალიანი მომეწონა ისა და გთხოვ შეუთვალო ლექსიკონის ავტორს, რომ სიტყვა „**ფოთელი ბარიშნა**“ ნიშნავს მუდამ ბულგარში უსაქმოდ და უღარდელათ მოხეტიალე უქმარო ქალს. იმედია ამ სიტყვასაც ჩაუმატებს ლექსიკონში.

პატივისცემით **ფოთელი ბარიშნა.**

კადევ ბევრი ასეთი წერილები მაქვს ხელთ, მარა მეტის გადაწერა აღარ შემძლია, გავათავებ ამით. მხოლოდ ვაცხადებ მკითხველთა საყურადღებოდ, არც ერთი ზემოთ მოყვანილი წერილების ავტორი ჩემი ამხანაგი არ არის, არამედ იგინი შეცდომით მიწოდებენ ამხანაგს. გარდა ამისა, ამის შემდეგ ყველას ვთხოვ, რომ ვისაც რამე დასაბეჭდი ჰქონდეს პირდაპირ რედაქციაში გაგზავნონ და მე მეტს ნულარ შემაწუხებენ, თორემ მე მათი წერილების გადაწერას მოუნდი და ორიგინალური ვერაფერი დავწერე.

კრეისერი.

ჰ რ ე ს ს ა.

ყვინჩილების ჩხუბი. სანჯავის გმირები. ზრდილობის ნიმუში ანუ ახანქიული ზღაღმაკა.

წინა წერილში ჩვენ მოვიხსენიეთ ბ-ნ ბატონ“-ის წერილი ქ-ნი ქარიშხლისა-

დმი მინაწერი. ახლა განვიხილოთ ქ-ნი „ქარიშხლის“ პასუხი მამამთილთან მინაწერი: პატივ-ცემულო ბ-ნო „ბატონო“!

მოგეწერა წავიკითხე შენი წიგნი ჩემი ქება და არ მიკვირს მამამთილო ესდენ შენი გალაცება.

არც მინდოდა მეპასუხნა შენთვის, რადკან შენისთანა ცარიელ სიტყვების გმირთან და იმერულ ლაქლაქის წარმომადგენელთან ბაასი მეტია, რადგან ამგვარი თავი სისულელეს მუდამ გაიმეორებს.

საყვარელო მამამთილო! თქვენ გვიპირებთ საჭირო აღაგას ნიშნდურის ამომსას. მე კი ჩემო კეთილ ველი ცოტა ხანს, რადგან უსინდისო ადამიანს, თანაც იგზუიტს და შემპარავი ძალის ხასიათის პატრონს დიდხანს არ ვითმენთ, როგორც ყოველგვარ რეაქციას და ისეთ „სასტაგს“ ამოგცხებ, რომ ნიშნდური დაგავიწყეთ ცინიკურ ზნეობისა და ცინიკურ კალმის პატრონს.

თქვენ მიბრძანებთ: „შემოკლდით ჯენტლმენო, შემოკლდითო“.

მე მოგახსენებთ: „ევაშ, ევაშ ადამ! ჭკუაზე ხომ არ შესციდით?! ეს მოსალოდნელია იმ ნიშნების შემდეგ, რომელიც შეძლება გვქონდა გვენახა. რა გგონია შენი ცარიელი თავი? დახეთ! ვინ შემოკლდება მომავალი გვიჩვენებს, თუ სიკვდილმა არ გვისწრო ორივეს. თქვენისთანა ფინია—დეგენერატი გონებრივ და ზნეობრივ აზოვნებითა გვრავის შეამოკლებს. ევაშ, ევაშ ყარდაშ! დახეთ!

თქვენ ამბობთ „იდეალისთვის არ მილაღატინაო“, სასიამოვნოა ვფიცავ აღლახის წვერებს, თუმცაღა რწმენის შეცვლა არავისათვის არ არის აკრძალული, მაგრამ რწმენისა ან სხვა რამის ღალატი, უხამსი საქციელია, შეცვლის მაგიერ ღალატი—ეს დეგენერატობაა. თქვენი საქციელით თქვენ ააჭუჭკუეთ იდეურ ანემიით შეპყრობილი ფედერალისტები და ჩვენც, чтобы отмежеваться отъ безпомыхъ существъ იძულებული ვიყავით გაგვეჩხია თქვენი უტვინო, დეგენერატი თავის ნაწარმოები; услужливый дуракъ опаснѣе врага.

თქვენი აზრით მე სახელი გატეხილი მაქვს. მაგრამ არის ისეთი წრეებიც, სადაც მე არავითარი ფასი არა მაქვს და დეგენერატ Baton-ის სახელი კი ღაღმა მოსვრილი. ამისთანავე ვსთხოვ სანამ იძულებული არ ვიქნები ვაიძულო დეგენერატი, მიბრძანოს: რით არის გატეხილი ჩემი სახელი, საიდან იცის და რა საბუთები აქვს?

ღვარძლიანი, როსკიპი სინდისის პატრონი, ზნეობრივთ კუზიანი და კოჭლი დეგენერატი Baton-ი გვეუბნება: „ვინც თქვენ რწმენას იცნობს, იცის ვინც ღალატობს იდეალსაო“. თუ თქვენ ქუჩის სალახანა ან პადვლის მოქალაქე არ ბრძანდებით, თუ სრულიად არ გარაკვიპებულხართ, მიბრძანე როდის ჩამიდენია ღალატი. მარტლა უსინდისო და დეგენერატო, ჩემ ადამიანობასთან რა ხელი გქონდათ, ან რა მიზეზი გქონდათ მოახლოებულიყავით თქვენი ჩირქიანი ხელითა და ზნეობით.

მყარაო, არაწინდა, მოლაღატე და იგზუიტი (ამისი ფაქტები ხელთა მაქვს) დეგენერატი Baton-ი ამბობს: „რა პარტიასაც ეკუთვნით, ეს თქვენც კარგათ მოგხსენდებათ თუ მართლა ჭკუაზე შემცდარი არა ბრძანდებითო.

თქვენ, უბადრუკო „ბატონო“ ემზადებით ჩემთვის სახრჩობელას მომზადებას, მაგრამ გაფრთხილებთ: ჩემთვის მომზადებულ ბაწარში თვით არ გაყო შენი უბადრუკი და უტვინო გოგრა. თქვენი ბ.ოგრაფია იმერეთის ეპოპეიდან დღევანდელ ცხოვრების დაქუცვაკებამდე სულ დაწვრილებით ვიცი. ის „პარტია“, რომელსაც მე მახვევთ თავზე თქვენი პარტიაც არის და საბუთებით, მოწმეებით დაგიმტკიცებთ. დაგიმტკიცებთ იმასაც, რომ ერთ დროს საკუთარ ანგარიშებისთვის თქვენ აზრსა და სიტყვასაც აქირავებდით. დღევანდელმა თქვენმა მიდრეკილებამ იქნებ პრავაკატორობამდეც კი მიგათრიოთ ამ გზაზე. ისე როგორც შეჭფერის სალდათს, რომელიც *зарапортовался*.

დღევანდელი „ბატონი“ გვეუბნება: „ნება მიბოძეთ მეც ამოვიღო ხმა ანარქიზმის დასაცველათ“. ისე ამბობს, მეცო, თითქოს რამეს წარმოადგენდეს და დიდი ღვაწლი მიუძღოდეს. თქვენი ორიოდ ბროშიურა ანარქისტულია, მაგრამ ჩლუნგია დღევანდელი, ბუნდოვანთა და უფრო სიტყვათა თხზულებათა, ვიდრე არგუმენტებისა.“

ასეთია წიგნი ქ-ნი „ქარიშხლის“ მიერ *Baton* ისადმი მიწაწერი.

ბ ა ტ ო ნ ი

გურიი. გურიის სამრევლოს სკოლების ბედი არასოდეს არ ყოფილა სანატრელი, მაგრამ ახლა ყოვლად საჯაყი სა მე დაემართათ. უგზო უკვლოდ დაიკარგა გურია-სამეგრელოს ეპარქიალური სამ. საბჭო. რამდენი ხანია ოზურგეთის განყოფილება თხოვნას თხოვნაზე უგზავნის: დაგვიბრუნეთ ჩვენი ჟურნალი, რომელიც ეს 7 თვეა რაც გამოგვიგზავნეთო, მაგრამ ამათ მათი ხმა რჩება: „ხმად მლაღადებლისა უდაბნოსა შინა.“

ჩოხატაშვილი. სტატისტიკური ცნობის მიხედვით 1907 წლის 1 იანვრიდან ვიდრე აგვისტოს პირველ რიცხვამდე ადგილობრივ ექიმს ლანძღვა გინების რეცეპტი მხოლოდ **ორმოც და ცხრა** კლიენტისათვის გამოუწერია. ექიმის სიტყვით ეს უებრო წამალია ზოგიერთ ავთამყოფთა განსაკურნებლათ.

შურდული.

ლიხაური.

ამ დღეებში გამოცხადდა ლიხაურში დრამის ფული, მას უსმენდა აღტაცებით წმინდა, ქრისტეს მოციქული. ხალხმა ცივი უარი სტყიკა შეერთა ნესტორ; მისდის გული. და თავის მრევლს გასაკრეპათ გადაჰყურებს მართლ — მსაჯული.

ყველა მხრიდან ახლა მოგვდგენ და გაგვაძრეს მწარეთ ტყავი. ორი ათასი წაიღეს მიხაკიეს სამარხავი.

ს.ვა.

ბათუმი. ვინაიდან ქალაქის თავის განკარგულებით ბათუმის ბულვარში ზაფხულის დამლევამდე დანიშნულია „**ძალღების გამოფენა**“, ამიტომ უმორჩილესათ ვსთხოვთ ბულვარში მოსიარეთ, განურჩევლათ სქესისა, სეირნობის დროს ჯოხებით აღიჭურვონ, რომ საჭიროების დროს უკუ აგდონ შარვალთა და სხვათა სამოსელთა დასახვეათ მისეული პირუტყენი.

გამ. მომწყობი დაკუნია.

ველისციხე. რადგანაც ჩვენი სოფლის მწერალმა ნ. თო — მა სრულიად მოულოდნელათ სმაზე ხელი აიღო და თავისი „მოვალეობის“ პირნათლათ ასრულებას შეუდგა, ხალხი დაღონებას მიეცა.

მამასახლისის მეცადინეობით შესდგა სანიტარული კომისია, რომელიც სწმენდს ნოფელს თევზეულობისა და მაგარი სასმელებისაგან, კომისიის თავმჯდომარე პატა შალაშვილია.

მუშტი.

სოფ. ახაფანი.

ჩვენი სოფლის მამასახლისის დაემართა უცებ „შტუკა“: კისერი მთლად გაუწვრილდა და მუცელი დაეფუკა; ეშმაკი თუ გაებუტა — ან გაუწყრა ანგელოზი, თორემ საზრდო არ აკლია ერბო, თაფლი და ნიგოზი. მაგრამ ერთი რამ გვაკვირვებს არ წაუხდა ქრთამის მადა ძველებურათ იღვეს, იღებს... და იძახის; „ეშჩო ნადა!“

სამტრედიი. ადგილობრივ ვაჭრებს დი ხანია განზრახვა ჰქონდათ ცხენის წყლის შტო დაბა სამტრედიისა ცაგეუარებით. მაგრამ ამ ბოლო დროს ვიღაც უღმერთოს დაურწმუნებია ვაჭრები, რომ წყალი გაიტანს ბაზრიდან ყოველგვარ სიბინძურეს და ამგვართ მოუსპობს მათ არსებობის საგანს, ვინაიდან ჩვენებური ვაჭრები, როგორც ხოლერა, და ადმინისტრაცია, როგორც ვაჭრები მხოლოდ სიბინძურით არსებობენ. მოაშორეთ ბაზარს სიმყარაღე და ისედაცვივიან, როგორც თევზი უწყლოთ. ამიტომ ვაჭრებს საბოლოოთ დაუდგენათ: ერთი წვეთი წყალი არ გააქაქანონ სამტრედიის ქუჩებში.

პურიშკევიჩი,

ს. სამსთო.

ამ ბოლო დროს შემოვიღეთ ძველებური დროს-ტარება, კარტი, ნარდი, არშიყობა და სხვა მსგავსი ნეტარება. რომელიც გვყავს „ტარიელი“ ჯან სალი და მოწიფული რაღაც ბედათ საფლანგავი ყველას უჩხრიალებს ფული. ზოგი მამულს აგირავებს, ზოგი იღებს დღიურ ქირას და ამგვართ განუწყვეტლივ, გადადიან თავდაყირას. ოტია და გაბრიელა თუ გვეწვია საქეფოთ კამპანია აღარ ვარგა უყანწოთ, უმერიქიფოთ.

გურიანთელი ბუი

ოზურგეთი. 10 აგვისტოს დილის 9 საათზე ბაზარში საზარელი ამბავი დატრიალდა. თურმე ვაჭარი ს. ო — ძე თავს დაესხა კ. შ — ლს და ერთი აბაზის „ექსპროპრიაცია“ გაუკეთა. დამნაშავე უგზო-უკვლოთ მიიმაღა. მღვერებს შვიდი ლანძღვის ყუმბარა ესროლა, რომელთაგან არცერთი არ აფეთქებულა.

სამწუხარო და თანაც სარწმუნო წყაროებიდან იუწყებიან, თითქო განსვენებული კ. კ. — ს ადგილზე გ. ჯ — ძე აპირებს ეგზამენის დაქერასო. ამ ჟამათ „გამწარებული“ ემზადება თურმე.

12 აგვისტოს მსკოვან ბოქაულ ქაიხოსრო ჯაყელს ერთი კაცის მეტი არ დაუქერია.

გრძელწვერა ქარცივადეს ბნედა მოუვიდა და ბინაზე გაიშხლართა ცხალ-მკვდარი ვირის აბანოში გააგზავნეს.

ბახუსი.

სამტრედიის რაიონი.

(მამასახლისთა ვითარება)

ერთობის დრო როცა იყო, მეც ერთობას ვემხრობოდი: მიტანგებს და ისე კრებებს დაუკლებივ ვესწრებოდი. ბევრი სსქეც მანდო ხაღხმა ამირჩია დაშაფას „სოციალი“ კაცი ვიყავ, ნდობას მიცხადებდა მასსა. მაგრამ, შემდეგ, რაკი ეს დრო ძეული წესით შეიცვალა, რეაქციამ გაიმარჯვა და მთავრობამ მოგვადგა, მეც რა შექნა! ამ შეცვლილ დროს შეუფარდე მოქმედება:

მამსახდისათ დაუდექი,
 (რს ვქნა ხალხი შეცოდება!)
 მაგრამ დღეს კი, სიცოცხლე კაქვით
 დაუბნეო მათ დაუთარი,
 და თვითმართველობის საქმე
 სანახევროთ ჩემ ხელთ არი.
 ბევრ საქმეებს, რს თქმა უნდა
 ძველებურათ ვაწესრიგებ
 გავსწიერე ჯარნიები,
 ბეჭდის ფულსაც ოხრათ ვიღებ.
 უმაღლესი მთავრობას წინ
 ფხიზლათა ვარ, არ ვფორგულვებ,
 ნაკამიდის მინდორ ველებს
 გულ-მოდგინეთ ვუარაულებ.
 ხარკის ფულსაც ისე ვბოჭვებ,
 მოთქმებს არც კი ვაცდი...
 ვინც ვერ მომტყმს, (თქვენ მზეს ფიცავ)
 სულ სინსილას გამოვაცდი.

დამუდურა, ვხედავ ხალხი,
 მაგრამ ვინ რას გამოიბედავს
 სტრანჟნიკები გვერდში შევსანს,
 აუტირებ მშობელ დედას.
 მწკრივად შევს კამოცდილი
 სწორეთ დიდათ დამქსმარა;
 უმთავრესად მისი რჩევით
 საქმე კარგათ მოკვარა.

ერთობის დროს, სანცოდავი
 დაინკარა, დაბეჯდა,
 დაჩინული, დაკინკული
 უდაბნოელ მწიროს კავდა.

მარა დღეს კი დვთის წყალობით
 და ჩვენზე მოხერხებით
 დაიმბეკებს დაგემსგავსეთ,
 გაჭიმული დაგობრძანდებით.
 თუც არ ვუაქრობთ მარა მანც
 ეს დრო სხვაფერ შეიცვალა;
 თუ დამარცხდა რეაქცია,
 და იშოვა ხალხმა ძალა,
 ახს ის დრო სხვ წაგვივს,
 გონება გვაქვს, თვალა ყური
 ხალხს ვეტივები; რამ ძალას მწევდა
 ის ოხერი სამსახური.


ხალხიც, გიცი მუდამ ბრძანა...
 მას უოველთვის დავაჯერებ,
 და ქვეყანას ჩემ თავს ასევე,
 „სიტყვად“ მოვაჩვენებ.

შევარდენი.

ხაზინთა შორის.

ბათუმის ყაბებმა თავიანთ კრებაზე
 შეიმუშავეს შემდეგი ნიხრი, რომელიც
 ქალაქის საბჭოს წარედგინა დასამტკიცებ-
 ლათ.

- 1) პირველი ხარისხის ხორცი, ე. ი. კამეჩის, ვირის და ცხენის გირვანქა 35 კ.
- 2) აყოლოებული ხორცი ძროხის, ხარის და ხბოს 30 კ.



ჯონ ბული. — ეხლა არხინათ ვარ ამ კარებიდან ველარავინ ველარ შემოვა.

- 3) ამათი თავ-ფხეები და ღვიძლი 40 კ.
- 4) ეს დადგენილებები ეხება მხოლოდ მოქალაქეებს, ჯარს კი საუკეთესო ხორცი გირვანქა 8 კ. მიეცეს.
- 5) იმ შემთხვევაში, თუ მონაპარავი ძროხა ვიზოვნეთ, როგორც მაგალითად ეფანე ბერძენიშვილისა, ძროხა ივანე კაბაძეს ჩაუვარდა ხელში, იმ შემთხვევაში ხორცს მოქალაქეებს გირვანქას 5 კ. მიეყიდით, და თვით ღლანებს თითო ფუტს კი უფასოდ გაუგზავნით სახლში, და მასთან ბაზარნიკსაც.

მუშების შესახებ შემდეგი დაადგინეს:

- 1) ხორცი რომ არ გაფუჭდეს, სავაჭროები მუდამ ღია იყოს, დღიან ღამიანა.
- 2) სალახები და ხორცის მჭრელებიც მუდამ ხორცთან უნდა იდგენ და ვერ უნდა სცილდებოდენ გარდა ერთი დღისა წელიწადში, იგიც ერთი დღე ადღგომას.
- 3) ბიჭებს ჯამაგირი მოუმატოთ თვეში ჩვიდმეტი კაპეიკი, და იგიც მაშინ თუ ამ მოთხოვნებს ხმონები დაამტკიცებენ.
- 4) ბიჭებისთვის დღეში ვიყიდოთ საქმელათ თითო ოკა ლობიო, ხორციით კვება ძვირი დაგვიჯდება.
- 5) იმ შემთხვევაში, თუ ეს უპრავამ არ დაამტკიცოს ერთხმად ყველამ გავიფიცოთ და მოქალაქეებს ხორცი არ მიეყიდოთ, და გარნიზონს კი რადგან ხელშეკრულობა გვაქვს დადებული.
- 6) ვინც ამ მუხლებს დაარღვევს, ერთი თვით მოიკოტი და სავაჭრო საყასბო დაეხურება 15 დღით.

მეთვალყურე დაკუნია.

მუხათა შორის.

ამ დღეებში კავშირის გარეთ მყოფ ნოქრებმა კრება გამართეს. კრებას დაესწრენ უმთავრესათ მსხვილ ჯამაგირიანები და დაადგინეს შემდეგი:

- 1) გაწყვიტონ ყოველივე დამოკიდებულება ნოქართა პროფესიონალურ კავშირთან.
- 2) წვერათ მიიღება ყველა, ვინც კი მოისურვებს.
- 3) არჩეულ იქნას განსაკუთრებული რედაქცია სპეციალისტ „კარტისტებისგან“, რომ როგორც ბაკურიანშია იმ გვარი „სოციალისტური“ თამაში შემოიღონ წვერთა გასაწრთენელათ.
- 4) აეკრძალოს წვერებს არსებულ ყურნალ-გაზეთების კითხვა.
- 5) მოიწვიონ შესასწავლათ ნარდ-კარტის თამაშობის სპეციალისტები.
- 6) არჩეულ იქნას დროებითი ბაურო, რომელიც ეცდება რაც შეიძლება მეტი წვერების შექმნას.

მეთვალყურე დაკუნია.

ქვსაერის შენიშვნები.

რუსეთი.

ქვეყანა ვრცელია, კაცები ცოტა. საუკეთესო ადამიანები ჩრდილოეთ გუბერნიებში ცხოვრობენ. ნაციონალური სასმელი „მონოპოლიკა“. საყვარელი სიტყვა „ნავიკა“.

გზები ცუდია, გარდა ციმბირისკენ მიმავალის.

საყვარელი სიმღერა: „მზე ამოდის, ისევ ჩადის“.

საზოგადო მოღვაწეებს ჯვრებით აჯილდოებენ.

ყველაზე უდიდეს არხს სიბინძურეთა გასატარებლათ ეწოდება „ნოვოე ვრემია“.

საუკეთესო მწერალი—გრინგმუტია.

ყველაზე უფრო ბრწყინვალე კაცი იოანე კრონშტადტელი. სასწაულებს ახდენს.

უმთავრესი ქალაქი პეტერბურგია.

უმთავრესი სოფელი მოსკოვი.

უცხო სიტყვებში ყველაზე მეტათ გავრცელებულია: „ექსპროპრიაცია“, „კონფისკაცია“ და „ცენზურა“.

ყველაზე უფრო საშიში ხელობა რედაქტორობაა.

ლოთები სარგებლობენ სრული თავისუფლებით და პატივისცემით.

ბორგეზე.

დ ე ჰ ე შ ე ბ ი .

კ ა ვ კ ა ს ი ა .

ბანჯა. ნაბძანებია 3 საათსა და ოთხწუთში დაიცალოს ქალაქი. მიზეზი, როგორც ამბობენ ქნაპროვოკაციის მობრძანებაა. ითხოვეს ერთი საათით გაგრძელდეს დაცლის ვადა, მაგრამ ამაოდ.

ოზურგეთი. კაზა-ბლანკაში მომხდარ დავდასხმისა გამო, ოზურგეთში ერთი მოსახლე კაცი დასწვეს.

ნიკოპოზი. (ფოთი) რადგანაც ბათუმის სიმაგრეები აქ გადმოაქვთ, ამიტომ ჩვენმა ქალაქის თავმა შუამდგომლობა აღძრა ზღვათა სამინისტროში ბუხტი ორპირში გადაიტანოს.

თელავი. ამ დღეებში მოხდა ცხენებთან შეტაკება. ხუთი ცხენი მოიკლა. მზრის უფროსი კი უვნებლათ გადარჩა.

ბათუმი. აქ ხმები გავრცელდა, თითქო ბათუმის ისევ სავაჭრო ქალაქათ მონათვლა უნდოდეთ. ვაჭრების სიხარულს საზღვარი არა აქვს. ხოლერის წინააღმდეგ სასტიკი ზომებია მიღებული. ყოველივე სიბინძურეს ერთათ უყრიან თავს, რომ ღირსეულათ დახვდნენ აზიელ სტუმარს.

ჭიათურა. რადგან დასაჭერი ხალხი გამოილია, სასტიკი ზომები მიიღეს ოთხფეხა კრამოლნიკების შესახებ. დღე არ გაივლის ისე, რომ ორი ან სამი პოლიტიკური ღორი არ დაიჭირონ. ამ რამდენიმე დღის წინათ ეტაპით გაგზავნეს ასოცდა ჩვიდმეტი უპასპორტო ღრუტუნა კრამოლნიკი.

სამბრედი. აქაურ მღვდლებს მუცლები დაეფუკათ, რადგან გლეხები დრამის ფულს დროზე არ იძლევიან. მღვდლების მუცლების გასასწორებლათ სასტიკი ზომები მიიღეს და ენერგიულათ შეუდგნენ დრამის ფულის აკრეფას.

ჟვირილა. ა თაბაგარი ქუთაისში გადასახლდა და იქ გადაიტანა „ქრთამების რეზიდენცია“. ჟვირილელები უხერხულ მდგომარეობაში ჩავარდნენ, რადგან ქრთამების ქუთაისში ჩატანა ძნელია, მით უმეტეს ცხენის, ძროხის, ვირის და სხვა. აქაურ ახლად აგებულ თეატრში წარმოდგენებს აღარ მართავენ, რადგან შიგნაფორები დაბინავებულან.

ამ დღეებში ხალხის პოლიციასთან შესარიგებლათ პ. მაქავარიანმა დიდებული ნადიმი გამართა. ნადიმმა ორ დღეს გასტანა და სასურველი ნაყოფიც გამოიღო.

ოზურგეთი. ვაჭართა დეპუტაციას მართახები უცხუნეს. ყველა გაკვირვებულია ამ საარაკო მოვლენით.

ამ დღეებში ასკანელი ხუცესი პავლე კილურაძე რეფერატს წაიკითხავს ს. დემოკრატების წინააღმდეგ. ხუცესი ფიქრობს ლექციის დროს ხალხს წაუკითხოს ილიკოს და აკობიას ნაწარმოებები, როგორც მისი აზრების დასამტკიცებელი საბუთები.

სვირი. ამ დღეებში აქ მოხდა გლეხების ყრილობა. ყრილობაზე ბევრი მთვრალი გლეხი გამოცხადდა. (ზოგიერთს მთვრალი ცოლებიც თან მოეყვანათ) ყრილობაზე დაადგინეს სოფლიდან გააძეონ ის (ინტელიგენტი იქნება თუ არა ინტელიგენტი) ვინც შუამდგომლობას აღძრავს სოფლის ახლო „პლათფორმის“ დაარსების შესახებ. მიზეზათ ის დაასახელებს, რომ როცა პლათფორმა ახლო იქნება, გარეშე ხალხი ხშირ-ხშირათ გვესტუმრება; განათლება შემოგვებარება და ჩვენ დახვედრულ ცხოვრებას შევარყევსო. სასტიკი ზომებია მიღებული.

რ უ ს ე თ ი .

პეტიტორები. ამ დღეებში „რუსთა კავშირის“ კრება მოხდა. კრებაზე განიხილეს საკითხი ებრაელებთან ბრძოლის შესახებ. დაადგინეს: არამც და არამც არ მიმართონ ებრაელ ექიმს, ვაქარს, ხელოსანს და სხვა. აზრათა აქვთ საკუთარი ბანკი დააარსონ.

ვიატკა. 14 აგვისტოს საპოლიციო ნაწილს თავს დაესხნენ ანარქისტები. მოკლეს და დასჭრეს ხუთი გოროდოვოი. ბოქაული ცოცხალი გადარჩა, მაგრამ შიშით კეუაზე შეცთა და დიდი თხოვნით როგორც იქნა ნება მისცეს სამსახურიდან გასვლის.

კორუნი. ხოლერით ავით გახდა ორი სანიტარი, იმ დროს როცა კრება ქანდათ ხოლერის წინააღმდეგ. დანარჩენები გაიქცენ. კრება შესწყდა.

მოსკოვი. ახლო მომავალში გაიმართება თავად-აზნაურთა საგუბერნიო წინამძღოლების ბაასი. დღიური წეს-რიგი ჯერ არ შეუმუშავებიათ.

ადესა. შავრაზმელებმა ისევ დაიწყეს აქტიური გამოსვლა. ამ დღეებში მოკლიან ახალ სისტემის რეზინების ტრანსპორტს, რადგან ძველები უკვე გაცვთა...

ტირიოკი. ჟურნალ „რუსსკოე ბოგატსტვო“-ს თანამშრომელ პეტრიშჩევს სტუმრები ეწვია. პეტრიშჩევმა რასაკვირველია სადილი გაუმართა. ის იყო სუფთას შემოაუსხდნენ, რომ მოულოდნელათ გაჩნდა კომისარი და მოითხოვა „მიტინგის“ დაშლა. ყველა გააოცა ამგვარმა მოთხოვნამ. როცა შეეკითხნენ რაში იყო საქმე, განაცხადა ვიბორგის გუბერნატორმა მიბრძანა „მიტინგი გავრეკო“. აუხსნეს, რომ მიტინგი არა „სადილობა“ იყო. მოსწრებულმა კომისარმა ამაზე უპასუხა: „არც სადილობა შეიძლება ერთათ“. დიდის ვაი ვაგლახის და დებეშების გზავნის შემდეგ, როგორც იქნა ნება მიიღო პეტრიშჩევმა ესადილა თავის სტუმრებთან და შემდეგ დაშლილიყვენ.

სასწავლებელში.

ქუთაისის ერთ-ერთ სქაჯებო სასწავლებელში ჰირველ კლასში გამოსცდელი ეგზამენი დაიწყო. მასწავლებელ ქალს ძღაიერ ეტრტავა დამსწრეთა რიგში და ეგრეთ წოდებული „შეკვლეჩკა“ მათხდინა:

- განირავა ელენა!
- არ გახლავთ ბატონო! გათხოვდა.
- მირმანძე ნინა!
- არ გახლავთ. ჯვარს იწერს, ბატონო, აფიცრს მიუბა.
- კარტოფელფა სოფია!
- დღეს ნიშნობა აქვს ბატონო სწავლას თავს ანებებს.
- კორაიშვილი თამარა!
- შიქს!
- კოკობია მატონა!
- გათხოვდა ბატონო.
- კურტუმაძე ანატასია!
- გათხოვდა ბატონო!
- სიმონოვანა ტატინა!
- გათხოვდა ბატონო
- საკრთო მხინჯულება.

უცხო სიტყვების ახსნა.

(იხ „შუამავალი“ № 5)

ნაბადა—ნაბადი ისეთი „რევოლიუციონერი“ საქონელია, რომლის ტარება სასტიკათ აღკრძალული აქვს რუსეთის მოქალაქეს, იქ სადაც სამხედრო წესებია შემოდებული. რადგან ნაბადი სიცივისგან დასაფარავათ არის მოგონილი მისი ტარება მხოლოდ ჩვილი გულის და ნაზი აგებულობის პატრონ ყაძახებს შეუძლიათ. მათ უფლება აქვთ აგრეთვე მხოლოდ ახალ-ახალი ნაბდები ატარონ პირდაპირ მალაზიიდან ან სხვისი ზურგიდან.

ნაბაჯი—ნაბიჯის გადადგმა შეიძლება წინ და უკან. წინ გადადგმული ნაბაჯი ნიშნავს წინსვლას, უკან გადადგმული—ჩამორჩენას, უკან დახევას. დღეს რევოლიუცია უნაბიჯოთ არის, არც წინ მიდის და არც უკან, ჯორივით დგას ერთ ადგილზე, ხოლო „შანტაჟისტობა“ კი მღვეის ნაბიჯით წინ მიქრის და თან და თან ითრევს შეუგნებელ, უზნეო ახალგაზღობას. მიქრის წინ, მარა უფესკრულის პირზე მისულია და ჩქარა გადიჩენება შიგ.

ნაგავი—ნაგავი არის სულიერი და უსულო არსება. პირველი, პარტიების სახით, მრავლათ ყრია რუსეთის პოლიტიკურ ცხოვრებაში; მათი „გაცოცხვა“ მხოლოდ რევოლიუციის უკანასკნელ ქაზბუქს შეუძლია, რომლის შემდეგაც სრულიად გაიწმინდება „სოციალიზმი“ ასეთი ნაგავისაგან. „სულიერი ნაგავი“ თფილისშიდაც ბევრია (რამდენია, ამის გამოცნობა მკითხველისთვის მიგვიჩნდია), მარა იმდენი კი არა, რამდენიც უსულო ნაგავი. უსულო ნაგავი არის ერთათ შეზავებული სხვადასხვა ნივთიერება, როგორც მაგალითათ დამჩვალი კატის კუდი, ცხენის თავი, ძროხის ძვალი, ფუნა, ტალახი, მტვერი და სხვა. ასე ლამაზათ შეზავებული ნაგავი ფრიად საქაროა ქალაქის პაერის საღეზინფექციოო ზოღერის წინააღმდეგ. თფილისი ამ მხრით მეტის-მეტათ მდიდარია. საზოგადოთ ყველაზე კარგი ნაგავი იმ ქალაქსა აქვს, სადაც კაი „მაშები“ ყავთ და კარგათ ზრუნავენ. კულტურულათ მოწყობილ ქალაქში „ზაპასათ“ აქვთ შეგროვილი ნაგავი ერთ ალაგას და საქიროების დროს გამოაქვთ ქალაქში. კავკასიაში მხოლოდ მარტო თფილისს აქვს ასეთი „ზაპასი“—ქალაქის საყასბოები. ქალაქის ეს განაპირა ადგილი ნაგვის განხორციელება. საუბედუროთ (მაშების დაუღვერობით) აქ უსულო და სულიერი ნაგავი დომხალი-

ვით არეულა ერთი-მეორეში; ამიტომ ფრიად საქაროა მათი „სორტიროვკა“—უსულო ნაგვის საგანგებოთ შენახვა და სულიერთა გაცოცხვა, მარა ჯერ ვერ ბედავენ.

ნაგვეში—საპოლიციო ნაწილში ნამყოფი კაცი.

ნადიმა—დიიდი სადილის გამართვა. წინანდელ დროში ასეთ სადილებს ადამიანებს უმართავდენ, როგორც მაგალითათ „ნათავარ“ კაცს; ეხლა კი დრო გამოიცვალა და ადამიანების მაგიერ მხეცებს უმართავენ, როგორც მაგალითათ დათვს, მგელს, ტურას და სხვა, რომ მათი გული მოიგონ. წინანდელი სადილი იაფი ჯდებოდა, ხოლო ეხლანდელი კი მეტის-მეტათ ძვირი, რადგან მხეცებს დიდი მადა აქვთ.

ნადირი—არის ოთხფეხა და ორფეხა ნადირი. პირველი ცხოვრობს ტყეში, ხოლო მეორე ქალაქში. პირველი ნადირობს ტყეში, მეორე ქალაქში. პირველის იარაღია კლანჭები და კბილები, მეორესი „წერილი“ და რევოლვერი. არც ერთი და არც მეორე თავის მსხვერპლს არ იცოღვებს.

ნაგზადი—სოფლიდან სოფლათ სეირნობა.

ნავთი—ქეშმარიტ რუსთა სანთელი ლეთისთვის შესაწირავათ. ზოგი სანთელი მსხვილია, ზოგი წვრილი, როგორც მაგალითათ დიდი სახლი და პატარა ქოხი.

ნავი—ფოთის ქუჩებში სასეირნო ეტლი. ასეთი ეტლი ქუთაისშიაც სცაღეს, მარა ტალახში ჩაიძირა, რადგან იქ სქელი ტალახი აღმოჩნდა. ნავების მაგიერ ქუთაისში მცურავ ხიდებს აკეთებენ თურმე.

ნათესა—კეთილშობილთა საკვებათ გლეხების ნაწვევ ნადაგი. გურკო-ლიღვალის და სხვათა საძლოში მასალა.

ნახუქი სოფლური ქრთამი. ნახუქები წინათ იცოღდენ ქრთამათ, ეხლა ყველაფრის მიტანა შეიძლება, როგორც მაგალითათ ცხენის, ჯორის, ვირის და სხვა. ასეთი „არა ჩვეულებრივი“ ქრთამები ზინგერის კომ. გამგეს ა. თაბაგარს შემოუღია პირველათ. მსურველთ შეუძლიანთ მიმართონ ეხლა ქუთაისში—წინეთ ყვირილაში იყო.

ნაკითხი—სხვების რა მოგახსენო და თფილისში მხოლოდ ორათ-ორი კაცია ნაკითხი. მართალია ქუუასთან ორივე მწყარალათ არის, მაგრამ სამაგიეროთ თავიანთი ნაკითხობა უკვე გამოიჩინეს და კიდევ გამოიჩინენ მყარლ-ბროშიურების წერით.

ნაკურთხი—ე. ი. ხელ დასხმული. ხელ დასხმა შეიძლება მღვდლათ, დიაკნათ, პაგრომშიკათ, ქეშმარიტ რუსათ და სხვ.

ნაღვეი—მხედრობის გავლილი სოფლები.

ნაღი—გენერალ-გუბერნატორთა განკარგულება ციმბირისკენ წასვლის შესახებ.

ნამოჯა—ციმბირელ გლეხის ლუკმა.

ნამუსი—მეტის-მეტათ გაიაფებული საქონელი.

ნანა—პოლიტიკური ძილის პირი რევოლიუციის დასაძინებლათ.

ნანდი—ნარდი, კარტი, ლოტო და სხვა ერთგვარი სათამაშოა. ისეთი გასავალი ნარდ-კარტს თავის დღეში არ ქონია, როგორც დღესა აქვს. ამის მიზეზი დასვენების ხანაა. ნარდ-კარტის თამაშმა დღეს პირდაპირ პარტიული ხასიათი მიიღო. (ისეთი აღარაფერია დღეს, რომ პარტიული ხასიათი არ ქონდეს. არის მაგ. პარტიული კოცნა, არშიყოზა და სხვა) არის „სოციალისტური“ და არა „სოციალისტური“ კარტის თამაში. „სოციალისტურ“ თამაშს ხშირათ ხიფათი მოსდევს, როგორც მაგალითათ „დუელში გამოწვევა“. არა სოციალისტური კი—ჩვეულებრივია. პარტიულმა თამაშობამ პირველათ ბაკურიანში იჩინა თავი. დუელიც იქ მოხდა, მაგრამ არავინ დაშაყბულა. „სოციალისტებს“ წინათ აქ ძალიან სწყალობდათ თურმე ბედი, მაგრამ ბოლოს ჩაუვარდათ კოვზა ნაცარში და ვიდაც უპარტიო სომეხმა პარტიულათ გააძრო ტყავი. როგორც გავიგეთ ბაკურიანის „სოციალისტები“ ეხლა არა „სოციალისტურ“ ნიადაგზე ფიქრობენ თურმე თამაშის გაგრძობას.

ნასახლადი—ეგზეკუციის ნამყოფი სოფლები.

ნასუფნი—რუსეთის კონსტიტუცია.

ნასვამი—„რუსთა კავშირის“ ავიტატორი.

ნაღვაწი—ილიკოს სისხლით და ოფლით „ისარის“-ს გარეთ ნაღვაწი წიგნი ს.-დემოკრატებზე ჯავრის საყრელათ.

ნავეგ—გვერდების დახელა.

ნაშთი—ილიკოს და აკობიას სიკვდილის შემდეგ ფედერალისტთა სამემკვიდრეოთ დაჩჩენილი ბროშიურება.

ნაჩუქანი—დეკანოზობა

ნამაღაღვეი—ულკანი.

ნაწინაგი—მღვდლების მუცლის საფანელი.

ნახუცვანი—ნახუცვარი=ნადეკუტატარი. გაფარშევანგებული ყვავი. გასოციალისტებული ანაფორა. სატუსალოდან დანო-

სების წერა დრამის ფულის სოციალისტურ“ ნიადაგზე აღების შესახებ. საზოგადოთ „ნახუცრობამ“ 1905 წლის უკანასკნელ თვეებში პირდაპირ ებიდემიური ხასიათი მიიღო. ანაფორაში შემძვრალი სოციალისტები გამოძვრენ, (დარჩა ზოგიერთებიც მაგალითად მამა დომენტი, ბესარიონი, ივანე და სხვანი) უკუ ადგეს „ეშმაკის“ სამოსელი (ანაფორა „ეშმაკის სამოსელის“ სახელით ერთმა დიაკონმა მონათლა 1905 წლის 17 ოქტომბერს ნახლოვებაში სადაც ის ავიდა ტრიბუნაზე გამოძვრა ანაფორიდან და ხალხს გადაუგდო ამ სიტყვებით: „წყეულ იყოს ეს „ეშმაკის სამოსელი“. მეორე დღეს „გასოციალისტებული“ დიაკონი ისევ შემძვრალიყო „ეშმაკის სამოსელში“ და ისე გამოცხადდა მიტინგზე, მაგრამ შორი ახლო დადგა და ისე უგდებდა ყურს) დაქროლა თუ არა „ცივმა ქარმა“ „გასოციალისტებულმა“ ხუცებმა მოინდომეს ისევ შექრომა ანაფორაში, მაგრამ აღარ მოხერხდა და ამიტომ ზოგიერთმა მათგანმა, როცა გაუჭირდა ისევ „ხუცურ“ ხრიკს მიმართა.



ცოლი.—ა! შე საოხანავ! რამდენჯერ შემბირდი აღარ დავლევ და „ზაბასტოვკას“ გავაკეთებო და კიდევ გახეთქილხარ?!
ქმარი.—მე... მე... ცოტა... მხოლოდ ვიყნოსე „მერზაფიკი“... ზაბასტოვკა... არ შეიძლება— ზაბასტოვკისთვის... ვირის აბანოში წამიყვანენ.

წერილი რედაქციას.

ბ. რედაქტორო! გთხოვთ დამიდასტუროთ, რომ „შუამავლის“ № 1-ში მოთავსებული ლექსი „წერილი ჯოჯოხეთიდან“ ჩემი არ არის*) ამასთანავე მოვიტოვებ იმ „გაყბატონისაგან“, რომელმაც ხმები გაავრცელა ოზურგეთში, თითქოს ის ლექსი ჩემი ყოფილიყო! და თან ცნობებს ვაწვდიდე „შუამავალს“ ოზურგეთის შესახებ, საჯაროთ, პრესის საშუალებით დამიმტკიცეს ყველა ეს, წინააღმდეგ შემთხვევაში მე მას უწოდებ საზოგადოებრივ ცილის მწამებელს.

ვანო ლლონტი.

„შუამავლის“ ფოსტა

ხონი. რისხვას. თქვენი წერილი არ დაიბეჭდება. უზინარსოა. გარდა ამისა საყურადღებოა ვიცოდეთ სახელი და გვარი რათ დავაგიწყადო? წერილზე უნდა ეწეროს ვისი მოწერილია და ვის უნდა მივმართოთ საჭიროების დროს.

ჯუმათის მონახტარი. მე ღიას, არც თქვენი ლექსი დაიბეჭდება, რადგან ავტორის ვინაობა არ ვიცი. მართალია იწერებით „ფულს არ ვთხოვლობო“, მაგრამ წარმოიდგინეთ, რომ არც ეს შევლის თქვენ ნაწარმოებს. აბა ერთი მითხარით რასა გავს:

„ცუდ პირობებში ჩავარდა ჯუმათისა მონახტარი; წმინდათა თავ შესაფარსა შიგნით ამოუჩნდა მტერი. ძველთა-ძველი ნამსახური მამა გერასიმე ბერი და სხ.“

თუ მართლა საბუთები გაქვთ რამე, მოგვაწოდეთ და თქვენი ვინაობაც გვაცნობეთ, ხოლო ამ დროებით კი ნურას უჟაცრავათ.

*) გამოწმებთ, რომ ლექსი „წერილი ჯოჯოხეთიდან“ ვანო ლლონტის შესწავლი არ არის. რედ.

სად. ცემი. კრაზანას. თქვენი ლექსი ხაზურულ „მარქსისტა“ ბარიშნების შესახებ, რომელნიც აფიკრებთან ერთად დღე მუდამ ტკეპნიან სადგურის ბაქანს, არ დაიბეჭდება, რადგანაც. ამით, ი. ნაკაშიძის თქმისა არ იყოს „პარტიის ინდოურებს“ წაღმართ გზაზე ვერ დააყენებთ.

მუშახ. საზოგადოთ თითქმის ყველა ქართულ გაზეთებს და კერძოთ ჩვენ ძლიერ ცოტა მოგვდის კახეთის მხრიდან ცნობები. ეს სამწუხაროა ჩვენთვის და ძლიერ სასიამოვნო იქნება, თუ ბლომათ მოგვაწვდით საჭირო ცნობებს სიღნაღის რაიონიდან მაინც. მაგრამ გთხოვთ შეძლებისა და გვართ საზოგადო ინტერესის ფაქტები აღნუსხოთ.

ამოცანა № 1.

შეამოკლეთ (сократить) ნახევარი (дроб) „ისარი“ „ქარიშხალი“?

- 1) „ისარი“ : ქარაფშუტობაზე Baton
- „ქარიშხ.“ : ქარაფშუტობაზე X
- 2) Baton : გინებაზე 0 = 00
- X : გინებაზე 0

რედაქტორ-გამომცემელი
ს. კეკელიძე.

ელექტრომექანიკური
ამხანაგობა

„შ რ ი მ ა“

ყოველგვარ საბეჭდავ საქმეს ასრულებს სუფთა და სწრაფად დაკლებულ ფასებში.

ნიკო.—არის ქვეყნათ, ორი ნიკო, ერთი სოხუმს, ერთი ფოთსა; ფოთელია დიდი ნიკო, ქვეყანა, რომ გააოცა.

დიდი ნიკო ფოთლებს ქამს, პაწა ნიკო სოხუმლებსა, პროექტების შედგენაში მათ ვერაფერ მოუგებსა.

ფოთის ზღვაში შეცურება დიდი ნიკოს პროექტია, და ამისთვის პეტერბურგში წაეთრია, მოეთრია.

ოზურგეთის რკინის გზაი პაწა ნიკოს პლანი იყო როგორც ვიცით პეტერბურგში რამდენჯერმე ისიც იყო.

გაუცრუვდათ იმედები თუმც სასტიკათ დასდევს თავი; ფოთ-ოზურგეთს კი ორივემ „მამობრივათ“ აძერეს ტყავი.

როგორც გავიგეთ ეხლა ორივე ნიკოს ერთი საარაკო პროექტი შეუდგენიათ— დაუახლოვდენ ერთმანეთს, ე. ი. ფოთი და სოხუმი ერთი მეორისაკენ მიაჩიონ-მოაჩიონ. პროექტში სხვათა შორის ნათქვამია, რომ ამ აზრის განსახორციელებლათ საჭიროა ათჯერ პეტერბურგში წასვლა, ხოლო წასასვლელათ-კი 24000 მ. ექვს გარეშეა, რომ ეს პროექტი განხორციელდება თუ ფოთელ-სოხუმლები რაღაც ორიოდ გროშს 24000 მანათს გადადებენ „თავების“ სამგზავროთ.

ირეთელი
 (შემდეგი იქნება)